

## Le tru nò dla Crejima



Co vára pa ennant con la Crejima?

Por ciafé respostes vegnel tigní dōes seres d'enformaziun con le direttur tal ciamp dla catechesa dla Diozeja **Markus Felderer** por dūc y dōtes tla preparaziun ala Crejima tla Val Badia: joneza, geniturs, families, toc totes, catechisc ...

**en lönesc, ai 20 de setember ales 20:00 a La Val**, te dlijia y te salff dles uniuns - plü por l'Alta Val Badia y  
**en jöbia, ai 23 de setember ales 20:00 a La Val**, te dlijia y te salff dles uniuns - plü por la Bassa Val Badia.

**Düc é bel enviés da gní!**

N.B. Al é pa ben lerch sce i se partiun sö tai dui termins!!



## Unité Pastorala Val Badia – enformaziun

Ala **Edema dla Fede** 2021 (17 - 14 otober) él ince gnü envié **signor Eugen Runggaldier**, vicar general dla diozeja, a na encuntada, avisa n vendres ai 22 d'otober da sera a La Val. Por ti dé a trepa jont la poscibilité de tó pert y ciafé respostes a ci co se stá a cör dla fede y dal dagní dla Dlijia, él gnü ponsé de cheie adöm les domandes che nosta jont se fej. Porchel se periunse de scrí valgünes de cōstes ostes domandes y les dé jö te dlijia (na casseta apostá) cina la domegna ai 10 d'otober da sera. Les porsones responsables dla "Unité pastorala" les fajará avei por tomp a signor Eugen. Ala encuntada en che sera aldiarunse spo les respostes dala persona competenta.

## 1 Enformaziuns y termins

**KVW Senioreclub/1:** en dedemesaledema ai 22 de setember tolunse le bus de linea ales 8:17 dal Cone demez por jí ete en Gsies y danló a pe sö la Kradorferolm, saurí da jí, na picia ora.

**KVW Senioreclub/2:** en dedemesaledema ai 29 de setember tolunse le bus de linea ales 9:17 dal Cone demez por jí a Neustift i danlé a pe cina Milland, saurí da jí.

**Dotur:** le dotur **Aldo Marcocci** va en ponsiun con le 1. de otober. Por podei plinderné l'ambulatorio, sará cōsc slüt dai 27 ai 30 de setember. Empé de el sará la doturia Margarete Mahlkecht te so ambulatorio a San Martin, ☎ 0474 523018 – 349 0667034.

**Döt le bun a:** Mateo Ellecosta, Ehrenburg \* 19.09.1931  
Iaco Pedevilla \* 19.09.1936  
Emma Vittoria Feichter Finazzar, Seis \* 23.09.1938



**a düc i per co festejeia eniann en iubileo da noza**

y a düc chi co á santennom y complesc i agn cōst'edema

**Impressum:** Ploania d'La Pli; redaziun Franz Rigo y Edith Willeit  
**Comunicaziuns:** cina le dedemesaledema sera a Franz Rigo, ☎ 0474 500978 o ✉ ploania@gmx.net  
**Download plata:** [www.unitepastorala.org](http://www.unitepastorala.org)




## Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas  
✉ [klsottsas@rolmail.net](mailto:klsottsas@rolmail.net)

Calogna Al Plan: ☎ 0474 501006  
Radio de Ploania: 93,00 MhZ

UNITÉ PASTORALA



VAL BADIA  
[www.unitepastorala.org](http://www.unitepastorala.org)

Ann B

19.09.2021 - 25. domegna ia por l'ann

n. 43

## La cariera por cristiagn

📖 Sap 2, 1a.12.17–20 | Iaco 3, 16 – 4, 3 | Mc 9, 30–37

### Dal Vangelo do San Merch:

Te chel tomp <sup>30</sup>passâ Gejú y sū discepui fora por la Galilea. Mo Gejú n'orea nia che zacai gness alessei; <sup>31</sup>deach'al orea istruí sū discepui. Al ti á dit: Le Fi dal Om ti gnará sorandé ala jont, y ai le copará; mo trei dis do söa mort ressoriarál. <sup>32</sup>Mo ai ne capia nia le significat de söes parores, ai ne s'anfidâ nia da le damané. <sup>33</sup>Ai ea roés a Cafárnaum. Canch'al ea spo te ciasa, i ál damané: Porsora ci eise pa baié sön tru? <sup>34</sup>Ai scutâ, deach'ai â baié deboriada sön tru porsora cal co ea le plü gran de d'ei. <sup>35</sup>Danló s'á Gejú sonté, á cherdé i dodesc y ti á dit: Chel co ô ester le pröm dess ester l'ultimo de düc y le sorvidú de düc. <sup>36</sup>Y al á motü n möt amesa ei, spo l'ál tut te sū brac y ti á dit a d'ei: <sup>37</sup>Chel co tol sö n te' möt por mia gauja, tol sö me; chel endere che tol sö me, ne tol nia sö me, mo chel co m'á mené.

**I ponsun do:** Porsones se tól a dí che cariera fejon sce an s'orienteia „sö pert”, sc'an anüza vigne ocájium da roé plü ensö y sc'an n'é nia ziti da fá fora la concorenza. Mo Gejú dij: cariera fej chel co s'orienteia „jö pert”, chel co ciara de chi co ven desmoncés, acompagneia chi co é susc y tól sö chi co n'á degüna emportanza. Gejú ne ti sparagna a degügn de chi co ô ti jí do da müd n orientamont co ciara „sö pert” te n orientamont co s'oj „jö pert”. Co la ponsunse pa nos?

**I periun:** Bel Dio, te Gejú Crist t'aste motü sön la pert dai püri y dai debli. Dasse ince a nos le coraji da tó na te' dezijiun. Por Crist, nosc Signur.

Vesco Wilhelm Egger "Sonntagsbibel"

📖 Letöres dla 26. domegna ia por l'ann:  
Num 11, 25–29 | Iaco 5, 1–6 | Mc 9, 38–43.45.47–48



**Edema liturgica dai 19.09. ai 26.09.2021**

<b>DOM 19.</b>	<b>25. domegna ia por l'ann</b> <i>Januarius (Gennaro), Igor, Ferdinand</i>
→ 08:00	<b>corona dla comunité por † Franz Pedevilla</b>
08:30	<b>gran messa</b> por la ploania y de rengraziamont por i iubilars da noza y söes families <i>oferta por la ploania</i>
	<b>2<sup>a</sup> s.m. de sopoltöra dal † Franz Pedevilla</b>
<b>Lön 20.</b> 18:00	<i>Andreas Kim Taegon, Paul Chong Hasang y compagns</i> <i>s.m. a Al Plan</i>
<b>Ded 21.</b> 07:30	<b>fiesta de San Mateo apostul y evangelist</b> , <i>Debora</i> <b>s.m.</b> por †† Florian, Stase y Nese Terza, André <b>s.m.</b> por † Jan Maneschg, da Poz
<b>Dem 22.</b>	<i>Maurizius y compagns, Tomesc, Jonas</i>
<b>Jöb 23.</b> 19:30	<i>Pio da Pietralcina (Padre Pio), Tecla</i> <b>s.m.</b> d'aniversar por † Eduard Maneschg, Col Marchet <b>s.m.</b> d'aniversar por † Angelo Ellecosta, La Costa <b>s.m.</b> d'aniversar por † Carlo Ploner, Corterei
<b>Ven 24.</b> → 19:30	<i>Rupert y Virgile, Gerhard, Hermann</i> <b>oraziun da Taizé</b>
<b>Sab 25.</b> 07:30	<i>Sabeda de Santa Maria   Nikolaus da Flüe, Gottfried, Sergio</i> <b>s.m. 3. de sopoltöra por † Franz Pedevilla, Puster</b> <b>s.m.</b> por †† dal Hamerle
11:00	<b>s.m.</b> do intenziun dai nasciüs l'ann 1951
18:00	<i>s.m. prefestia a Al Plan</i>
<b>DOM 26.</b>	<b>26. domegna ia por l'ann</b> <i>Cosmas y Damian,</i> <b>De mondial dai migranc y profugs</b> <i>Paolo VI., Eugenia</i> <b>FESTA DLA PRÖMA SANTA COMEGNUN</b>
→ 09:00	i acompagnun les 6 mitans y i 4 mituns dla Pröma Santa Comegnun <b>da paiun sö</b> te dlijia <b>gran messa</b> por i comunicanc y por dötta la ploania
<i>ampola:</i>	por les families Rovara, Plans
<i>ministronc:</i>	• <b>dedolönesc y sabeda:</b> Isabel y Daniel • <b>jöbia y domegna:</b> Natalie y Rudi
<i>i recordun:</i>	Eduard Maneschg † 20.09.2019 Rosa Trebo Pedevilla, Cortina † 22.09.2012 Angelo Ellecosta † 22.09.2019 Ferdinand Kanetscheider, Schweiz † 24.09.2014 Carlo Ploner † 24.09.2019

 **Oraziun dai maridés**

Pere, i te dijun iolan che te s'as cherié önn por l'ater, che i s'án encunté y che i s'orun bun. Lascia cresce te nos l'amur, por che i se capiunse tres deplü y che i sunse bogn da se fá encontonc önn l'ater. Vigne der amur ven da te y condüj a te. Con cösc amur i aste tö dé a nosta vita n contegnü nō y n travert nō. Mostresse le der tru co condüj a cösc travert y deidesse y acompagneiesse sön nosc iade.

*Gotteslob*



**„Ince os desses öghé desco peres vies...“**

*„Ince os desses öghé desco peres vies...“ en invit che i ciafun tla pröma letra de San Pire. Stimada Ploania, vignöna y vignönn de nos é na porsona preziosa y emportanta y pó fá sōa pert por costruì deboriada Dlijia, deache i sán che tres le bato nes él gnü dé la creta y i podun testimonié y dé ennant l'amur co nes é gnü scinché.*

*Deboriada sunse nos la comunité de ploania, na comunité, olá che i nes adorun önn con l'ater, olá che i gnun portés/ades, i podun partí ligrezes y dolur y i podun sontí che i ne sun nia su o sora, te degüna situaziun*

*Cösta sensaziun podunse ince ti dé ennant a nüsc mituns y a chi co ven do, mo i messun fá nosta pert con meter i talenc a disposiziun y adöm ai atri formé te nosc paisc na comunité via, co ti dá saú a nostes tradiziuns y sont Gejú present con sōa benedisciun te nosta vita da vignedé.*

*Tan bel che al é sce porsones se met a desposiziun por daidé, tan emportant él ince che porsones sorantóli resposabilité y cösc fejeres plü saorí sce ares sont che la comunité ti stá ia dedô. Porchel ves envieii de cör da tó pert ala lita dal Consei de Ploania ai 24 d'otober y mostré ensciö enteres por la vita religiosa de nosc paisc. Sce nos ne fajun nia plü empara, spo él prigo che ince les beles festes möri fora.*

*Preitambel, tólun cösta ocajiun da mostré che i sun presenc y che i orun vire ennant ci co vá bun, müdé ci co ne vá nia y tres endô fá vari nös por nosc ben desco comunité sön tru con Gejú Crist.*

*osc ploan, signor Klaus*

**Lites dal consei de ploania – enformaziun dal Consei pastoral**

La ploania envieia düc sora i 16 agn a fá empara ala **prelita** y ala **lita dal consei nō** co sará ai **24 d'otober**. Les **zetoles por la prelita** ven partides fora tles ciases y pó gní dades jō dai **19 ai 26 de setember** te dlijia.

Dal comité por la lita fej pert Jan Willeit, Edith Willeit y Emma Frontull.

**En bel iolan ti vá ai conseis de ploania y d'aministrazion co é stés i ultimi 5 agn:**

**Consei pastoral:** Jan Agreiter, Rita Konrater (ne fej nia plü ennant), Brigitte Pezzei, Veronica Ellecosta, Heidi Pescollderungg, Josef Erhard (ne fej nia plü ennant), Markus Fischnaller, Carmela Fiung (ne fej nia plü ennant), Emma Rindler

**Consei d'aministrazion:** Jep Agreiter (ne fej nia plü ennant), Patrick Complojer, Paul Pedevilla (ne fej nia plü ennant), Gebhard Peslalz.

→ Con **„I mirachi de Gejú cuntés ai mituns“** junse ennant l'ater iade.